

«ՀԱՅՏԱՏՈՒՆ»
ՀՀ ՆԳՆ կրթահամալիրի ղեկավարի
ժամանակավոր պաշտոնակատար
Մ. Մուրադյան
« 2 » 2025 թ.

ԿԱՐԾԻՔ

**Առաջատար կազմակերպության՝ ՀՀ ՆԳՆ կրթահամալիրի՝
Անուշ Հովիկի Մովսիսյանի՝ «Հանրային ծառայության հիմնախնդիրները
Հայաստանի Հանրապետությունում (տեսական-իրավական վերլուծություն)»
թեմայով ԺԲ.00.01 «Պետության և իրավունքի տեսություն և պատմություն,
պետական և իրավական ուսմունքների պատմություն» մասնագիտությամբ
իրավաբանական գիտությունների թեկնածուի գիտական աստիճանի հայցման
ատենախոսության վերաբերյալ**

ՀՀ ՆԳՆ կրթահամալիրի ուսիկանական ուսումնական ստորաբաժանման ընդհանուր իրավաբանական առարկաների ամբիոնը, մասնակցությամբ՝ իրավաբանական գիտությունների թեկնածու Ա. Յու. Թադևոսյանի, իրավաբանական գիտությունների թեկնածու Հ.Ա.Ստեփանյանի, Ա.Գ.Սաֆարյանի և Ա. Ս. Մարգարյանի, քննարկեց Անուշ Հովիկի Մովսիսյանի՝ «Հանրային ծառայության հիմնախնդիրները Հայաստանի Հանրապետությունում (տեսական-իրավական վերլուծություն)» թեմայով ԺԲ.00.01 - «Պետության և իրավունքի տեսություն և պատմություն, պետական և իրավական ուսումնունքների պատմություն» մասնագիտությամբ իրավաբանական գիտությունների թեկնածուի գիտական աստիճանի հայցման ատենախոսությունը և հանգեց հետևյալին:

Ժամանակակից հայ հասարակության ներքին բարեփոխման գործընթացները իրավական պետության կայացման, քաղաքացիական հասարակության բնականոն զարգացման նպատակներով պայմանավորում են հանրային ծառայության ինստիտուտի հետազոտության արդիականությունը: Բացի այդ հանրային կառավարման արդյունավետությամբ պայմանավորված՝ անհրաժեշտություն է առաջանում ձևավորելու հանրային ծառայության ինստիտուտի զարգացման նոր կառուցակարգ: Ընդ որում, նման ընկալման առանցքը հանդիսանում է հանրային ծառայության համակարգի կատարելագործման գաղափարը: Կարևորելով հանրային

ծառայության համակարգի կայացմանն ու զարգացմանն ուղղված լայնածավալ բարեփոխումների իրականացումը, հեղինակը սույն աշխատանքի շրջանակներում փորձել է իրականացնել համալիր գիտագործնական հետազոտություն՝ ուղղված հանրային ծառայության համակարգում առկա օրենսդրական բացերի լրացման, հանրային ծառայության ընդունվելու որակական չափանիշների սահմանման, հանրային ծառայողների առաջընթացի խթանման և անձնական պատասխանատվության կիրառման հիմնախնդիրներին:

Թեկնածուական ատենախոսությունը բաղկացած է ներածությունից, տասներկու ենթագլուխ պարունակող չորս գլուխներից, եզրակացությունից և օգտագործված գրականության ցանկից: Աշխատանքի այսպիսի կառուցվածքը, ընդհանուր առմամբ, համահունչ է այն խնդիրներին ու նպատակներին, որոնք իր առջև դրել է հեղինակը:

Աշխատանքի ներածության մեջ հիմնավորվում է հետազոտության թեմայի արդիականությունը, ներկայացվում թեմայի հետազոտության օբյեկտը, առարկան, նպատակներն ու խնդիրները, գիտական ուսումնասիրության վիճակը, տեսական և մեթոդաբանական հիմքերը, գիտական նորույթը, ինչպես նաև՝ պաշտպանության ներկայացվող հիմնական դրույթները, հետազոտության գործնական-տեսական, գործնական-կիրառական նշանակությունները, ատենախոսության փորձարկումը և աշխատանքի կառուցվածքը:

Ատենախոսության առաջին՝ «Հանրային ծառայությունը որպես համալիր իրավական ինստիտուտ» վերտառությամբ գլխում հեղինակը ներկայացրել է, հանրային ծառայության ձևավորման նախադրյալները, զարգացման փուլերը, էությունը, սկզբունքները, տեսակները, բացահայտել հանրային ծառայության տեսակների առանձնահատկությունները:

Աշխատանքի երկրորդ գլխում, որը կրում է «Պետական ծառայության հիմնախնդիրները արդի ժամանակաշրջանում» խորագիրը, լուսաբանված են պետական ծառայությունը, դասակարգումը և փոխհարաբերությունը հանրային ծառայության մյուս տեսակների հետ: Միաժամանակ, հեղինակը իրականացրել է քննարկվող հիմնախնդրի վերլուծություն՝ անդրադառնալով պետական ծառայության առանձնահատկություններին, իրավական կարգավորման սկզբունքներին, արդի հիմնախնդիրներին և դրանց իրավական լուծումներին:

«Համայնքային ծառայության հիմնախնդիրները արդի ժամանակաշրջանում» խորագրով երրորդ գլխում հեղինակն ներկայացրել է համայնքային ծառայության էությունը, նշանակությունը և առանձնահատկությունները, նաև քննարկել է համայնքային ծառայության արդի հիմնախնդիրները և դրանց իրավական լուծումները:

Աշխատանքի չորրորդ գլխում, որը կրում է «Հանրային պաշտոններ զբաղեցնելու հիմնախնդիրները արդի ժամանակաշրջանում» խորագիրը, անդրադարձ է կատարվել «հանրային ծառայության պաշտոն», «հանրային պաշտոն», «հանրային ծառայող», «հանրային ծառայության մեջ գտնվող անձ» հասկացությունների հարաբերակցությանը, ներկայացվել է հանրային պաշտոնների դասակարգումը և դրանց առանձնահատկությունները, լուսաբանվել է հանրային պաշտոնների նշանակման և ազատման արդի հիմնախնդիրները:

Ատենախոսության եզրափակիչ մասում շարադրված են հետազոտության կատարման արդյունքում հեղինակի կողմից արված եզրահանգումները:

Գիտական հետազոտության վերաբերյալ ընդհանուր դրական կարծիքի հետ մեկտեղ հարկ ենք համարում ներկայացնել հետևյալ նկատառումները՝

1. Գիտական նորույթի տեսանկյունից վիճահարույց է պաշտպանության ներկայացվող չորրորդ դրույթը: Վերջինիս շրջանակներում հեղինակը ուշադրություն է հրավիրում հանրային ծառայողների վերապատրաստման դպրոցի ստեղծման, գիտելիքների ստուգման միասնական համակարգի ներդրման, հանրային ծառայողին փոխարինելու ժամանակահատվածում կատարված աշխատանքների համար փոխարինողի վարձատրության կառուցակարգի նախատեսման վրա: Հարկ է նկատել, որ թվարկված հետազոտության արդյունքներն ընդհանուր բնույթի տեսական դիտարկումներ են: Չթերագնահատելով ատենախոսի կողմից իրականացված հետազոտության արժեքը, այնուամենայնիվ, կարծում ենք, որ վերոհիշյալ մոտեցումը չի պարունակում գիտական նորույթի էական տարրեր:

2. Թերի է ատենախոսության գրականության ցանկի ձևավորումը: Մասնավորապես, ատենախոսության՝ «Հայաստանի Հանրապետության իրավական ակտեր» բաժնում ամբողջական ներկայացված չեն իրավական ակտերի համարները, Հայաստանի Հանրապետության պաշտոնական ակտերի տեղեկագրում հոդվածի համարը, իրավական ակտերի հղումների հերթական համարները և համապատասխան էջերը, բացակայում են էլեկտրոնային ռեսուրսի օգտագործման վերաբերյալ պատշաճ գրառումները:

Ներկայացված նկատառումները կրում են մասնավոր բնույթ և չեն արժեզրկում ընդհանուր առմամբ հաջողված ատենախոսությունը, պայմանավորված են աշխատանքն առավել որակյալ տեսնելու ցանկությամբ:

Հետևություն. «Հանրային ծառայության հիմնախնդիրները Հայաստանի Հանրապետությունում (տեսական-իրավական վերլուծություն)» վերտառությամբ թեկնածուական ատենախոսությունը գիտական նորույթ պարունակող, ինքնուրույն, ավարտուն գիտական աշխատանք է, որը համապատասխանում է «Հայաստանի Հանրապետությունում գիտական աստիճանների շնորհման կարգը և չափանիշները հաստատելու մասին» Հայաստանի Հանրապետության կառավարության 1997 թ. օգոստոսի 8-ի թիվ 327 որոշմամբ հաստատված նմանատիպ աշխատանքներին ներկայացվող պահանջներին, իսկ հեղինակը՝ Անուշ Հովիկի Մովսիսյանը, արժանի է իր կողմից հայցվող իրավաբանական գիտությունների թեկնածուի գիտական աստիճանին՝ ԺԲ.00.01-«Պետության և իրավունքի տեսություն և պատմություն, պետական և իրավական ուսումնունքների պատմություն» մասնագիտությամբ:

Առաջատար կազմակերպության կարծիքը Անուշ Հովիկի Մովսիսյանի՝ «Հանրային ծառայության հիմնախնդիրները Հայաստանի Հանրապետությունում (տեսական-իրավական վերլուծություն)» խորագրով թեկնածուական ատենախոսության վերաբերյալ պատրաստվել է Հայաստանի Հանրապետության Ներքին գործերի նախարարության կրթահամալիրի ոստիկանական ուսումնական ստորաբաժանման ընդհանուր իրավաբանական առարկաների ամբիոնի պետ Ա. Գ. Սաֆարյանի կողմից:

Քննարկվել և հավանության է արժանացել ընդհանուր իրավաբանական առարկաների ամբիոնի 2025 թ. մայիսի 2-ի նիստում, արձանագրություն թիվ 4 :

Ամբիոնի պետ



Ա. Գ. Սաֆարյան

Ա. Գ. Սաֆարյանի ստորագրությունը հաստատում ԵՄ

ՀՀ ՆԳՆ կրթահամալիրի վարչական աշխատանքակա

համակարգող պրոռեկտոր



Ա. Է. Սուքիասյան